

*BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
OPĆINA BOSANSKA KRUPA  
OPĆINSKI NAČELNIK*

*BOSNIA AND HERZEGOVINA  
FEDERATION OF BOSNIA AND HERZEGOVINA  
THE UNA-SANA CANTON  
MUNICIPALITY OF BOSANSKA KRUPA  
MAYOR OF MUNICIPALITY*



*PROGRAM RADA  
Općinskog načelnika za 2015. godinu*

*Bosanska Krupa, decembar 2014. godine*

## S A D R Ž A J

<b>1. Uvod .....</b>	<b>3</b>
<b>2. Lokalna uprava .....</b>	<b>4</b>
<b>3. Lokalni razvoj i privreda .....</b>	<b>8</b>
<b>4. Obrazovanje, sport, kultura, mladi i nvo sektor.....</b>	<b>9</b>
<b>5. Zdravstvo i civilno društvo .....</b>	<b>12</b>
<b>6. Kapitalni projekti i infrastruktura .....</b>	<b>13</b>
<b>7. Ostale aktivnosti .....</b>	<b>15</b>
<b>8. Zaključak .....</b>	<b>15</b>

**B O S N A I H E R C E G O V I N A**  
**FEDERACIJA BOSNE I HERCEGOVINE**  
**U N S K O - S A N S K I K A N T O N**  
**OPĆINA BOSANSKA KRUPA**  
**OPĆINSKI NAČELNIK**

Na osnovu člana 45. Statuta Općine Bosanska Krupa-prečišćen tekst („Službeni glasnik Općine Bosanska Krupa“, broj 8/14) Općinski načelnik općine Bosanska Krupa, donosi:

**P R O G R A M R A D A**  
**OPĆINSKOG NAČELNIKA ZA 2015. GODINU**

**I Uvod**

Osnovni zadaci i aktivnosti koji su obuhvaćeni Programom rada za 2015. godinu, za nosioca izvršne vlasti općine, Općinskog načelnika, su oni koji proističu iz Ustava, zakona i Statuta Općine Bosanska Krupa.

Osnovi postupanja Općinskog načelnika zasnovani su prije svega na obavljanju poslova iz okvira lokalne samouprave definisane prije svega Zakonom o lokalnoj samoupravi Unsko-sanskog kantona, izvršavanje zakona i sprovođenje općinskih odluka i smjernica Općinskog vijeća, neophodne saradnje općinskih službi sa Općinskim vijećem, sa višim nivoima vlasti, sa ombudsmenima, sa međunarodnim institucijama i organizacijama kao i sa drugim institucijama, organizacijama, udruženjima i građanima.

Aktivnosti na unapređenju funkcionisanja općinske uprave kroz primjenu Zakona o principima lokalne samouprave u Federaciji BiH, poboljšanje u organizaciji i funkcionisanju općinske uprave kao i stalan rad na održavanju i poboljšanju ostvarenih rezultata u pogledu pružanja usluga građanima stalan je zadatak.

Metodologija izrade ovog Programa rada zasniva se na nekoliko temeljnih principa, među kojima su najvažniji objektivno prikupljanje svih relevantnih činjenica i ocjena njihove valjanosti i istinitosti, te korištenje raspoloživih podataka statističkih mjerenja privrednih, socijalnih i drugih pojava koje imaju ili bi mogle da imaju efekte na položaj i ulogu Općine Bosanska Krupa u ukupnom razvoju općine i Kantona. U tom smislu, tokom izrade ovog Programa obuhvaćeni su svi bitni pokazatelji, osobine i segmenti lokalnog društva kao što su prostorno-teritorijalni i geografski položaj općine i osobine, stepen razvijenosti infrastrukture i njene odlike, te stanovništvo kao najvažniji razvojni faktor, a radi sagledavanja stvarnog stanja i realizacije projekata kojim će se na najbolji mogući način ostvariti funkcije općine kao jedinice lokalne samouprave.

Po svom karakteru, ovo je planski akt, što znači da će se sve aktivnosti koje budu predmet ovog akta predvidjeti, te da će njihova realizacija zavisiti od objektivnih okolnosti koje budu prisutne u datom momentu.

S obzirom na to da je riječ o planskom aktu, cilj je kvalitetno, precizno i realno planirati, uzimajući u obzir i sve moguće objektivne okolnosti. Kada se kaže sve moguće objektivne okolnosti misli se prvenstveno na opće društvene teškoće i smanjena budžetska sredstva, kao izazove sa kojima se Općina Bosanska Krupa uspješno nosi već par godina. Unatoč tome Općina Bosanska Krupa se ubraja u red uspješnih općina, maksimalno je razvojno orijentisana i otvorena ka evropskim perspektivama. Ista opredjeljenja određuju i programske aktivnosti Općinskog načelnika, kao planski dokument koji ima za cilj unaprijediti nivo razvoja općine u 2015. godini.

Dosadašnja praksa je pokazala da su se programske aktivnosti u najvećem procentu i realizovale u planiranom periodu, što će biti jedan od osnovnih ciljeva i ovog dokumenta.

## **II Lokalna uprava**

Po Ustavu Federacije BiH ("Službene novine FBiH" broj 1/94, 13/97, 16/02, 22/02, 52/02, 18/03, 63/03, 9/04, 20/04, 33/04, 71/05, 72/05 i 88/08), općina je definisana kao jedinica lokalne samouprave. Prema Ustavu Općinski načelnik nadležan za provođenje općinske politike i izvršavanje općinskih propisa, kao i obavljanje svih dužnosti koje na općinu prenesu kantonalne i federalne vlasti. Zakon o principima lokalne samouprave u Federaciji BiH jasno definiše da općina ima pravo, osim vlastite nadležnosti ustanovljene Ustavom, baviti se i svim pitanjima od lokalnog značaja koja nisu isključena iz njene nadležnosti, niti dodijeljena u nadležnost neke druge vlasti na osnovu Ustava i zakona. Isti zakon, također definiše da je općina samostalna u odlučivanju o pitanjima iz vlastitih nadležnosti i da ove nadležnosti ne mogu biti ograničene ili uskraćene od federalnih ili kantonalnih vlasti.

Važno je napomenuti da je status općina i definisanje politika lokalnih zajednica još uvijek u potpunosti neriješen. Naime, u svojoj praktičnoj primjeni ustavna kategorija prava na lokalnu samoupravu svodi se vrlo često samo na puku dekoncentraciju javnih poslova od strane viših organa vlasti. Stoga ćemo i ove godine, kao i prethodnih godina, obezbijediti aktivno učešće općine u postupcima donošenja zakonskih i podzakonskih akata na svim nivoima vlasti kroz davanje kvalitetnih sugestija, mišljenja ili prijedloga na utvrđene nacрте ili prijedloge određenih akata.

Općina Bosanska Krupa će u ovom periodu, a u koordinaciji sa drugim općinama Kantona, te Savezom Općina i gradova Federacije BiH, intenzivnije raditi na rješavanju određenih ključnih pitanja koja su bitna za funkcionisanje općine kao jedinice lokalne samouprave, kao i za život i dobrobit njenih građana.

Ovaj Program obuhvata najvažnije zadatke općinskih službi koji su od općeg ili zajedničkog interesa pojedinih kategorija građana i njihovih asocijacija, mjesnih zajednica i lokalnog biznisa na kojima će se načelnik zajedno sa svojim saradnicima, državnim službenicima i zaposlenicima neposredno angažovati.

U tom smislu, aktivnosti Općinskog načelnika i Jedinственог općinskog organa uprave općine Bosanska Krupa bit će neophodno usmjereni u sljedećem pravcima:

Nastavit će se raditi na poslovima i projektima koji su započeti u prethodnoj godini, kao i novim projektima u oblastima u kojima je propisana nadležnost općine kao jedinice lokalne samouprave, odnosno u kojima je izražen pravni interes općine.

I dalje će se raditi na stvaranju što povoljnijeg ambijenta za ulaganja u investicione programe.

Nastavit će se proces jačanja lokalne zajednice i to naročito kroz efikasan rad mjesnih zajednica i Savjeta mjesnih zajednica, gdje se najbolje mogu uočiti svi problemi koji se tiču građana naše općine, kao i inicirati njihovo efikasno rješavanje.

Kao logična posljedica prethodnog i kao prioritetan cilj ove godine, kao i prethodnih, bit će stvaranje još efikasnije uprave – uprave koja će omogućiti zadovoljavanje osnovnih potreba građana i rješavanje njihovih pojedinačnih zahtjeva, i to prije svega svojim profesionalnim, stručnim i odgovornim angažmanom.

I u 2015. godini pojačat će se nadzor nad naplatom naknada i taksu po općinskim propisima i kontinuirano ostvarivati kontrola naplate sredstava prometa općinske imovine.

U cilju efikasnije naplate i ubiranja sredstava pojačat će se kontrola rada organa koji imaju nadležnost naplate naknada, izvršit će se ažuriranje uputstava i naredbi koje se odnose na ovu oblast i u skladu sa odlukama osigurati kontinuiran i kvalitetan nadzor u ovoj oblasti. Također će se kontinuirano vršiti inspekcijski nadzor kontrola privremenog zauzimanja i korištenja javne površine, a sve u funkciji povećanja naplate naknade.

U 2015. godini nastavit će se sa aktivnostima praćenja racionalnog i efikasnog funkcionisanja Jedininstvenog općinskog organa uprave i to kroz analizu sistematizovanih radnih mjesta, kao i preispitivanje postojeće organizacije općinskih službi, što je naš stalan i kontinuiran zadatak.

U cilju ekonomskog jačanja općine, sagledan je kao strateški cilj da općina u narednom periodu u skladu sa pozitivnim zakonskim propisima mora na transparentan način raspolagati i upravljati svojom imovinom na način „dobrog gazdovanja“ uspostavom registra nekretnina-sistemskog upravljanja imovinom.

Općina kao i svi drugi nosioci prava vlasništva na imovini našla se u situaciji da ne posjeduje adekvatan i precizan popis imovine. U cilju zaštite općinske imovine od nesavjesnog korisnika i korištenje imovine kroz realizaciju projekata kojim će se povećati budžetski prihod, a time i ekonomski razvoj općine, od 2010. godine intenzivno se radi na popisu općinske imovine (građevinskog zemljišta, poslovnih objekata, poslovnih prostora i stanova) i upis općine kao titulara nosioca prava vlasništva na imovini u zemljišne knjige i katastar nekretnina.

U 2015. godini započet će se sa aktivnostima na uspostavi registra nekretnina-sistemskog načina upravljanja imovinom u vlasništvu općine. Aktivnosti će se realizovati kroz prvu fazu: analiza postojećeg stanja imovine, procjena vrijednosti i analiza stanja po prihodima i troškovima po jedinici imovine i analiza svih odluka koje se odnose na upravljanje imovinom, a u cilju rješavanja pitanja jedinica imovine (zemljišta, poslovni prostori, poslovni objekti, stanovi i dr.) koji ne stvaraju prihod odnosno koristiti imovinu kroz realizaciju projekata kojim će se povećati budžetski prihodi, a time i ekonomski razvoj općine.

Pored poslova propisanih Ustavom, zakonom, Statutom i drugim propisima u cilju unapređenja funkcionisanja općinske uprave, aktivnosti će biti usmjerene i na:

- uspostava sistema za vođenje i analizu projekata prema Strategiji razvoja općine Bosanska Krupa,
- prezentacija (namjena zemljišta prema Prostornom i regulacionim planovima) putem web stranice Općine,
- povezivanje budžetskih korisnika i javnog preduzeća u informacioni sistem općine,
- nastavak izrade baze podataka geografsko-informacionog sistema (GIS) što će omogućiti kvalitetno povezivanje svih postojećih baza podataka sa prostornim podacima;
- izrada registra zelenih površina,
- izrada registra izdatih urbanističkih saglasnosti, lokacijskih informacija i odobrenja za građenje,
- izradu projektnih aplikacija i apliciranje prema međunarodnim organizacijama i donatorima, u cilju obezbjeđenja finansijskih sredstava za realizaciju projekata;
- nastavak unapređenja već efektivne, efikasne, odgovarajuće i odgovorne općinske uprave prilagođene potrebama građana i poslovnih subjekata;
- kontinuiran rad na poboljšanju u organizaciji i funkcionisanju općinske uprave u skladu sa evropskim standardima; poboljšanju transparentnosti i protoku informacija unutar administracije i prema građanima i poslovnim subjektima, stručnom osposobljavanju i usavršavanju uposlenika;
- podršci lokalnom privrednom razvoju, planiranju, projektovanju i vođenju svih infrastrukturnih i drugih projekata u općini, unapređenju i osnaživanju saradnje sa poduzetnicima, podršci razvoju poljoprivrede i ruralnih područja, nastavku primjene programa štednje u organima uprave i drugim institucijama i organima koji se finansiraju iz budžeta općine;
- poboljšanju usluga javnog sektora na nivou lokalne zajednice u oblasti komunalnih poslova i zaštite okoliša, društvenih djelatnosti, kulture, sporta, medija itd;
- inoviranju socijalnih programa i brige za ugrožene i kategorije u stanju socijalne potrebe, boračku populciju, raseljena lica i izbjeglice;
- kroz brojne projekte na nivou BiH, ali i u okviru prekogranične saradnje, stvaranju energetski efikasne općine i javnih ustanova i preduzeća, koja će i na tom polju biti u stanju nositi se sa evropskim standardima;
- vođenju aktivnosti na aktivnijem uključivanju građana u odlučivanje;
- omogućavanju građanima i pravnim licima da što efikasnije i jednostavnije ostvaruju svoja prava i izvršavaju svoje obaveze;
- radu na obezbjeđenju značajnih sredstava od viših nivoa vlasti u cilju izgradnje nove i revitalizacije postojeće infrastrukture,
- analizi stanja poljoprivrede na području općine i sagledavanju mogućnosti daljeg razvoja;
- nastavku održavanja svih javnih, zelenih i rekreativnih površina, kao i kontinuiranom održavanju i uređivanju svih drugih zelenih površina;
- u oblasti rekonstrukcije puteva nastavak započetih projekata rekonstrukcije puteva, kao i izgradnji i rekonstrukciji novih putnih pravaca u skladu sa Programom kapitalnih investicija;
- praćenju stanja priprema za zaštitu i spašavanje od prirodnih i drugih nesreća na području općine i preduzimanje pravilne, stručne, efikasne i blagovremene primjene zakona i drugih propisa i akata;

- kontinuiranu koordinaciju sa Uredom BHMACH-a, predlaganje i praćenje projekata deminiranja, tehničkog izviđanja i trajnog obilježavanja rizičnih površina od mina na području općine;
- prikupljanje podataka o kontaminiranim površinama od mina, obradu podataka i kandidovanje projekata za obilježavanje i deminiranja nadležnim institucijama;
- koordinaciju i pomoć mjesnim zajednicama, preduzećima i drugim pravnim licima u organizovanju i planiranju zaštite i spašavanja ljudi i materijalnih dobara od prirodnih i drugih nesreća;
- praćenje klimatoloških prilika na području općine (mjerjenje temperaturne vrijednosti zraka, praćenje vodostaja svih rijeka, snježnog pokrivača itd);
- praćenje pojava klizišta, evidentiranje novih i predlaganje preventivnih mjera za zaštitu i spašavanje ljudi i materijalnih dobara.
- osiguranju izvršavanja i drugih poslova u skladu sa zakonom.

Programske aktivnosti, kroz realizaciju Budžeta za 2015. godinu, Strategije razvoja i drugih izvora finansiranja, imat će prvenstveno razvojni karakter, kroz fokusiranje na kapitalne i infrastrukturne projekte, ali će zadržati i veliku dozu socijalnog karaktera sa akcentom na penzionersku populaciju, mlade i socijalno ugrožene. Razvojni koncept jasno predstavlja opredjeljenost ka ulaganjima u kapitalne investicije, unapređenje komunalne infrastrukture i ostvarivanje strateških ciljeva.

I u narednoj godini aktivnosti će bit usmjerene na provedbi propisa iz svih oblasti iz djelokruga rada organa uprave i službi za upravu općine od kojih prije svega i dalje mislimo na provedbu zakona preko kojih građani najviše rješavaju svoje životne probleme.

Također, i ove godine obezbjedit će se aktivno učešće općine u postupcima donošenja zakonskih i podzakonskih akata na svim nivoima vlasti kroz davanje kvalitetnih sugestija, mišljenja ili prijedloga na utvrđene nacрте ili prijedloge određenih akata. Naravno, u svim situacijama u kojima se ocijeni da je došlo do povrede prava na lokalnu samoupravu, reagovat ćemo i pred nadležnim organima tražiti zaštitu povrijeđenih prava i interesa.

Općina Bosanska Krupa će u ovom periodu, a u koordinaciji sa drugim općinama USK, intezivnije raditi na rješavanju određenih ključnih pitanja koja su bitna za funkcionisanje općine kao jedinice lokalne samouprave, kao i za život i dobrobit njenih građana. Pitanja koja će, između ostalog, biti predmet posebnog interesovanja su: finansiranje općina, Zakon o koncesijama, Zakon o dobrobiti životinja (problem pasa lualica – nezbrinutih životinja) i druga slična pitanja.

Maksimalnu pažnju i dalje ćemo posvetiti budžetskoj disciplini, te transparentnosti rada organa uprave u svim vidovima. Nastavit ćemo stvarati uslove za podizanje finansijske discipline na veći nivo, te iznalaziti i druge mogućnosti koje mogu doprinijeti stabilizaciji finansijskog stanja. Općinski načelnik će u skladu sa svojim nadležnostima i ovlaštenjima, kao naredbodavac izvršenja budžeta Općine za 2015. godinu, preduzimati i dalje sve aktivnosti u cilju praćenja, ostvarenja i zakonitog trošenja budžeta, redovno izvještavati Općinsko vijeće, te na zakonom propisan način po unaprijed definisanim pravilima kontrolisati i usmjeravati kako budžetsku potrošnju tako i svih dijelova lokalne uprave. Nastavit će se aktivnosti uspostavljanja sistema kontrole finansijskog poslovanja Općine, te korisnika budžeta Općine.

U skladu sa Programom rada OV, a u saradnji sa službama, aktivnosti usmjeriti da pravovremeno i maksimalno efikasno pripremimo predmetne materijale, kako bi se isti u najvećoj mjeri izvršili. Naravno, osim planiranih aktivnosti u ovom segmentu, Općinsko vijeće će biti u prilici da razmatra i nove normativne i druge akte za čijom izradom se pojavi potreba, a što u ovom momentu nije moguće planirati.

## II Lokalni razvoj i privreda

Programske aktivnosti usmjerene su ka poboljšanju ukupnog ambijenta za dalji privredni razvoj i normalno djelovanje privrednih i drugih subjekata i bolji život građana, te njihovo učešće u donošenju svih odluka vlasti za koje su neposredno zainteresovani.

Planirane aktivnosti u oblasti privrede u 2015. godini podudaraju se sa dugoročnim strateškim ciljevima u ovoj oblasti, u čijem fokusu je unapređenje ukupnog poslovnog ambijenta u skladu sa važećim strateškim dokumentima. To podrazumijeva:

- uspostava registra zemljišta poslovnih zona,
- izrada registra poljoprivrednog zemljišta namjenjenog za davanje u zakup, a koje je iz nadležnosti općine,
- nastavak aktivnosti na stvaranju povoljnog ambijenta za ulaganja investitora,
- razvijanje javno-privatnog partnerstva,
- privlačenje novih investicija,
- proširenje građevinskog zemljišta,
- implementaciju infrastrukturnih i drugih projekata u funkciji razvoja novih radnih mjesta,
- stvaranje još povoljnijeg ambijenta za ulaganje, kako domaćeg tako i stranog kapitala na području općine,
- unaprijediti saradnju sa poduzetnicima kroz podršku poduzetnicima da aktiviraju postojeće ili formiraju novo udruženje koje će biti partner i/ili korektiv lokalnoj administraciji u stvaranju boljeg poslovnog ambijenta,
- održavati sastanke sa privrednicima i kontinuirano obilaziti firme kako bi se upoznali sa stanjem u njihovom poslovanju,
- raditi na implementaciji Zakona o obrtu i srodnim djelatnostima, te na ustrojavanju registra ugostiteljskih radnji i upisnika o minimalnim uslovima ugostiteljskih objekata, u skladu sa važećim propisima,
- informisati više organe vlasti o rezultatima i teškoćama poslovanja privrednika, kako bi se donijele odgovarajuće mjere i zakoni u oblasti ekonomije i razvojne politike,
- nastavak ulaganja u Poslovnu zonu „Pilana“,
- nastaviti postupak i procedure izmjene Prostorno-planske dokumentacije, kao i ostale aktivnosti u vezi sa prostornim planiranjem;
- kandidovati prema višim nivoima vlasti i međunarodnim institucijama kapitalne projekte,
- aktivno raditi na programu razvoja turizma i korištenje turističkih potencijala,
- rješavati problem zapošljavanja kroz Program mjera za poticaj zapošljavanja i održavanja više stope zaposlenosti, kojim su definisane pojedinačne poticajne mjere i to:
  - o program javnih radova čiji je cilj angažovanje najugroženijih kategorija nezaposlenih lica sa evidencije nezaposlenih uz naknadu, a u svrhu izvršavanja poslova od šireg društvenog interesa i to u oblastima uređenja okoline, izgradnje infrastrukture, te socijalne zaštite;



- program sufinansiranja zapošljavanja pripravnika i volontera VSS, VŠS, SSS čiji je cilj, kao i proteklih godina, pružiti mogućnost zapošljavanja i osposobljavanja mladih osoba bez radnog iskustva za samostalan rad u struci, odnosno obavljanje pripravničkog i volonterskog staža;
- program nabavke platenika i obuke za samozapošljavanje kojim nastavljamo sa dosadašnjom dobrom praksom nabavke i dodjele platenika nezaposlenim osobama, čiji je osnovni cilj poticaj osoba da na svom imanju pokrenu plateničku proizvodnju, razvoj i stimulisanje iste. Pored nabavke i dodjele platenika, ovaj program obuhvata obuku i savjetovanje početnika u plateničkoj proizvodnji;

#### Projekt Poslovna zona „Pilana“

Projekt Poslovna zona „Pilana“ je ostvario svoj cilj koji se sastojao u stvaranju povoljnog poslovnog okruženja i novih zapošljavanja. Kako su poslovne zone vezane za onoga tko se brine o njihovom razvoju, te je razvoj zona proizvod partnerstva lokalnih uprava i privatnog sektora, to danas imamo Poslovnu zonu u kojoj trenutno svoju djelatnost obavlja 7 privrednih subjekata, a ostali privredni subjekti su u fazi izgradnje objekata.

Trenutno je u Poslovnoj zoni zaposleno oko 150 naših sugrađana, a na proljeće se očekuje pokretanje novog proizvodnog pogona i nova zapošljavanja.

Temeljni cilj programa ulaganja u poslovne zone je dugoročno rješavanje potrebe poduzetnika za poslovnim prostorom i pružanje pripremljene infrastrukture na zajedničko korištenje poslovnim subjektima smještenim u poslovnim zonama.

Kako sve poslovne zone predstavljaju infrastrukturno opremljena područja koja odgovaraju zahtjevima poduzetnika i u 2015. godini ćemo nastaviti sa ulaganjima u infrastrukturu zone. Svakako, za razvoj zone, pored ulaganja u infrastrukturu, neophodan je interes lokalne zajednice i poduzimanje svih potrebnih aktivnosti usmjerenih na realizaciju iste. Te aktivnosti prije svega odrazumijevaju ispitivanje poduzetničkog potencijala odnosno interesa za ulazak u zonu, izradu i usklađivanje prostorno planske dokumentacije, pripremu (otkup) zemljišta, utvrđivanje osnovnih preduvjeta za razvoj zone i poduzimanje svih aktivnosti za realizaciju poslovnih, logističkih i ostalih sadržaja. Naš rad i u narednoj godini će biti usmjeren na ove aktivnosti.

### III Obrazovanje, sport, kultura, mladi i NVO sektor

#### ➤ Obrazovanje

Kvalitet življenja stanovnika jedne lokalne zajednice se često mjeri dostupnošću objekata društvene infrastrukture odnosno blizinom kulturnih, sportskih, obrazovnih i drugih javnih ustanova. U tom smislu, već nekoliko godina postoji kontinuitet izgradnje, rekonstrukcije i sanaci je objekata ove vrste sadržaja. Općina će u ovoj oblasti pratiti rad i aktivnosti u predškolskoj ustanovi, osnovnim i srednjim školama, uz pružanje svih mogućih vidova pomoći u organizaciji rada i drugim vidovima aktivnosti ovih ustanova. Aktivnosti koje planiramo poduzeti odnose sa na:

- nastavak aktivnosti na izgradnji, rekonstrukciji i adaptaciji sportskih igrališta uz objekte centralnih i područnih škola,
- podizanje nivoa opremljenosti škola,

- nastavak informatizacije škola,
- podjelu besplatnih udžbenika za učenike iz socijalno ugroženih porodica,
- nastavak izgradnje, rekonstrukcije i adaptacije školskih objekata, te održavanje postojećih,
- podržavanje školskih manifestacija,
- stipendiranje i stimulisanje obrazovanja učenika,
- sufinansiranje prijevoza učenika srednjih škola,
- podržavanje javne i kulturne djelatnosti škola i stimulisanje njihove saradnje sa mjesnim zajednicama i Općinom.

#### ➤ **Sport**

- u skladu sa nadležnostima, nastaviti pružanje podrške sportskim kolektivima i masovnom sportu kao veoma značajnoj oblasti društvenog života,
- nastaviti pružanje podrške sportskim klubovima i razvoju masovnog sporta kao veoma značajnoj oblasti društvenog života,
- nastaviti sa podržavanjem sportske rekreacije građana, školskog sporta i sportsko-rekreativnih takmičenja, turnira i manifestacija,
- raditi na izgradnji sportske infrastrukture kroz sanaciju i adaptaciju postojećih i izgradnju novih sportskih objekata, dječijih igrališta i terena za male sportove.

#### ➤ **Kultura**

- nastaviti sa podržavanjem kulturnog stvaralaštva na području općine i kulturno-umjetničkih društava;
- organizovati prigodno obilježavanje državnih praznika i drugih datuma koji su od značaja za Bosnu i Hercegovinu, Federaciju Bosne i Hercegovine, Unsko-sanski kanton i općinu Bosanska Krupa;
- u skladu s finansijskim mogućnostima pomagati manifestacije koje se organizuju na prostoru naše općine u svim mjesnim zajednicama;
- organizovati i druge javne i kulturne manifestacije.

#### ➤ **Mladi i NVO sektor**

U okviru podrške mladima posebna pažnja bit će posvećena napređenju omladinske politike kroz pružanje podrške radu omladinskih udruženja sa područja općine, afirmisanju mladih na području samoorganizacije i većeg angažmana na polju društvenog aktivizma mladih. Ujedno će se nastaviti s pružanjem podrške radu Vijeća mladih Općine Bosanska Krupa. Dodatno će se raditi na institucionalizaciji omladinske politike kroz sistematsko rješavanje problema sufinansiranja omladinskih projekata iz oblasti kulture, sporta, neformalnog obrazovanja, zdravlja mladih, zapošljavanja i dr. Konstantno će se težiti informisanju mladih o mogućnostima finansiranja i potrebama mladih, sa posebnim naglaskom na ruralne mjesne zajednice i organizacije koje djeluju na tim područjima.

- Nastavka projekta Omladinske banke BiH koja ima za cilj da poveća učešće mladih u razvoju lokalnih zajednica kroz aktivnu ulogu u procesima donošenja odluka, te

pružanje podrške aktivnostima mladih u njihovim zajednicama kroz dodjelu bespovratnih novčanih sredstava projektima neformalnih grupa mladih.

Ove godine mladi Bosanske Krupe su po broju apliciranih i realiziranih projekta osvojili prvo mjesto na nivou Federacije Bosne i Hercegovine, a treće mjesto na nivou Bosne i Hercegovine.

- U saradnji sa Institutom za razvoj mladih KULT realizovati projekt „Omladinski start-up biznisi finansirani od strane lokalnih zajednica“. Ovaj projekt ima za cilj poboljšanje i jačanje mehanizma podrške omladinskom preduzetništvu u lokalnim zajednicama, otvaranje novih radnih mjesta dodjeljivanjem finansijskih sredstava i pružanjem savjetodavne podrške mladim preduzetnicima pri pokretanju start-up biznisa, te omogućavanje volonterskog angažmana određenom broju mladih u svrhu ličnog usavršavanja.
- Nastavit ćemo sa projektom PRO Budućnost-USAID-ovim projektom izgradnje pomirenja i povjerenja među građanima i građankama svih etničkih grupa u BiH. Projektne aktivnosti uključuju mlade, nevladine organizacije, udruženja žena, vjerske zajednice, medije, različite nivoe institucija vlasti, koji će zajednički doprinijeti boljem suživotu građana i građanki Bosne i Hercegovine. Kroz projekt će se raditi zajedno s građanima da se otvori dijalog koji će rezultirati prihvatanjem i razumijevanjem drugačijih identiteta i specifičnih priča, te s ključnim utjecajnim akterima da podrže lokalne inicijative razvoja i pomirenja.

Nastavit ćemo:

- provoditi Program mjera za poticaj zapošljavanja i održavanja više stope zaposlenosti,
- nastaviti podržavati udruženja koja okupljaju mlade,
- podržavati pojedince i afirmativne manifestacije koje okupljaju mlade,
- podsticati umrežavanje omladinskih organizacija na nivou općine, te omladinskih organizacija iz Bosanske Krupe sa drugim regionalnim i međunarodnim institucijama i organizacijama,
- izvršiti istraživanje položaja mladih na nivou općine u saradnji sa Vijećem mladih, te na osnovu rezultata istog pristupiti izradi strateškog dokumenta koji će se baviti mladima,
- organizirati obuku članova omladinskih organizacija u kontekstu projektnog menadžementa za projekte EU i drugih stranih donatora,
- organizovati aktivnosti koje će okupljati mlade: druženje kroz čišćenje i uređenje grada, koncertne aktivnost, predstave, turnire, javne radove i slične aktivnosti,
- nastaviti sa podržavanjem projekata mladih, sportskih klubova, KUD-ova i svih udruženja koja okupljaju mlade,
- zajedno sa mladima ću biti organizator sportskih takmičenja, koncerata za mlade i sponzor njihovih aktivnosti (izložbe, revije, omladinska poduzetništva i slično),
- nastaviti sa aktivnostima unapređenja partnerskih odnosa između lokalne vlasti i civilnog društva,
- podržavati programe nevladinog sektora i humanitarnih organizacija,
- nastaviti sa obezbjeđenjem prostornih uslova za rad udruženja koja imaju neuslovne prostorije ili ih nemaju nikako,

- specifične oblasti, kao što je briga o Romima, podrazumijevat će: pojačanu saradnju sa udruženjima Roma, iniciranje formiranja i drugih udruženja koja okupljaju nacionalne manjine, formirati bazu podataka o Romima,
- u saradnji sa nadležnim institucijama raditi na prevenciji od upotrebe narkotika i opojnih sredstava.

#### **IV Zdravstvo i civilno društvo**

##### **➤ Zdravstvo**

U svrhu poboljšanja zdravstvene zaštite stanovništva u saradnji sa Ministarstvom zdravstva i socijalne politike USK-a i menadžementom ZU „Dom zdravlja“ Bosanska Krupa raditi na poboljšanju kvalitete rada.

##### **➤ Penzioneri**

U saradnji sa rukovodstvom Centra za socijalni rad raditi na kreiranju boljeg organizovanja i stvaranju boljih uslova za efikasniji rad ove ustanove. Na lokalnom nivou u saradnji sa Udruženjem penzionera i dalje voditi aktivnosti na brizi o penzionerima kroz zagovaranje njihovih prava. U saradnji sa JU „Centar za socijalni rad“ Bosanska Krupa i Udruženjem penzionera iz Bosanske Krupe, a u cilju pomoći penzionerima, kao i ranijih godina, socijalno ugroženim penzionerima dodjeljivati jednokratne pomoći za nabavku ogrjeva, prehrane i drugih nužnih potreba. Pored ove kategorije programskim aktivnostima za 2015. godinu obuhvaćeni su i ostali socijalno ugroženi pojedinci koji će se pomagati kroz jednokratne pomoći u okviru planiranih sredstava.

##### **➤ Boračka populacija**

U 2015. godini nastojat će se obezbijediti još veća podrška i pomoć boračkim kategorijama. U okviru nadležnosti službe će se, pored poslova vođenja upravnog postupka, donošenja rješenja o oslobađanju od naknada, pružati pomoć u realizaciji programa boračkih organizacija, pomoć u postupku prikupljanja dokumentacije za prijavu na javne pozive, kao i za ostvarivanje drugih prava u upravnom postupku.

Nastavit ćemo:

- aktivno raditi na implementaciji Zakona o dopunskim pravima branilaca i članova njihovih porodica i Odluke o pravu na oslobađanje od obaveze plaćanja taksa i naknada za braniocce i članove njihovih porodica,
- pomagati rješavanje stambenih potreba najugroženijih,
- i dalje omogućavati korištenje općinskih prostorija bez naknade za nesmetan rad i funkcionisanje udruženja,
- organizovati aktivnosti koje će okupljati ovu populaciju.

## V Kapitalni projekti i infrastruktura

U 2015. godini planira se:

- nastavak radova na izgradnji infrastrukture u Poslovnoj zoni „Pilana“, što obuhvata izgradnju gornjeg stroja interne saobraćajnice;
- proširenje Poslovne zone „Pilana“ – što obuhvata rješavanje firmi u stečaju „Una-Om“ i „Krupatrans“. Razmatrajući ovu problematiku i strateški plan razvoja općine, uviđa se velika potreba za stvaranjem ambijenta za privlačenje investitora koji bi pokretnanjem svojih djelatnosti smanjili nezaposlenost, te bi se na taj način barem djelomično riješio akutni problem nezaposlenosti i povećao priliv poreznih i neporeznih prihoda u budžet općine. Otvaranjem novih pogona za proizvodnju, automatski će se stvoriti potreba za kooperantima na području općine te će se i na taj način smanjiti nezaposlenost i podići kvalitet života građana na području općine;
- izgradnja sekundarne vodovodne mreže u okviru projekta „Proširenje gradske vodovodne mreže za naselja Zalin, Potkrš, Gornji Petrovići“;
- uređenje platoa zanatskog centra u okviru projekta CPRP (Centar za podršku i razvoj poduzetništva) Općina Bosanska Krupa. Proglašenjem Zanatskog centra Centrom za podršku i razvoj poduzetništva i uređenjem istog želimo da zajedničkim djelovanjem javnog, privatnog i nevladinog sektora kroz novi alat ekonomskog razvoja, unaprijedimo poslovno okruženje i poslovnu infrastrukturu, koji doprinose povećanju zaposlenosti na području općine Bosanska Krupa,
- nastavak radova na uređenju bedema Starog grada;
- nastavak projekta energetske efikasnosti školskih objekata u osnovnim školama „Jezerki“, koji obuhvata zamjenu stolarije na centralnoj školi u Jezerskom. Završetkom ovog projekta ostvarit će se uštede u grijanju i učenicima će se obezbijediti kvalitetni uslovi za boravak u školi;
- završetak projekta Zeleni otoci. Po ovom projektu u Malim adama su se do sad izradila 4 (četiri) nova drvena pješačka mosta, rekonstruisana dva postojeća, popločane pješačke staze, postavljene klupe i korpe za otpatke i izgrađena nova rasvjeta;
- nastavak radova na projektu regulacije potoka Kalender sa izgradnjom fekalnih kolektora;
- poduzimanje aktivnosti na nastavku radova na izgradnji zgrade Gimnazije u Bosanskoj Krupi;
- nastavak realizacije projekta odvodnje otpadnih voda u Bosanskoj Krupi, te početak izvođenja radova;
- nastaviti započete projekte rekonstrukcije puteva, kao i izgradnji i rekonstrukciji novih putnih pravaca;
- izgradnja, rekonstrukcija, adaptacija školskih objekata i održavanje postojećih;

- nastavak izgradnje javne rasvjete na području cijele općine, maksimalno reducirati potrošnju javne rasvjete;
- sa Razvojnog agencijom USK i Evropskom komisijom, nastavak realizacije projekta BINOVA (Centar za podršku inovacijama koji će pružati niz programa podrške malom i srednjem poduzetništvu) u Poslovnoj zoni „Pilana“. Centra za podršku inovacijama u Poslovnoj zoni Pilana u Bosanskoj Krupi (BSC – Business Support Center) će pružati čitav niz programa podrške malom i srednjem poduzetništvu. Programi podrške će biti bazirani na znanju, savremenim tehnologijama, saradnji sa ključnim akterima u lokalnoj zajednici i stvarnim potrebama na tržištu. Cilj projekta je da se stimulira ekonomski razvoj i zapošljavanje u USK, poboljšanjem poslovnog okruženja i operativnog okvira za malo i srednje poduzetništvo kroz bolju infrastrukturu i kroz pružanje kvalitetnijih usluga;
- sa Svjetskom bankom i Ministarstvom za zaštitu okoliša izvršiti sanaciju i remedijaciju deponije Krivodol prema uslovima iz Prostornog plana Općine Bosanska Krupa. sanacijom i remedijacijom deponije Krivodol spriječit će se kontaminacija tla i vodotoka na području naselja koja se nalaze ispod nivoa deponije;
- sa njemačkom organizacijom ASB pristupiti izgradnji stambene zgrade za zbrinjavanje socijalno ugroženih Roma;
- nastavak ostalih započetih projekata i pripreme za realizaciju već pripremljenih projekata, kao i novih projekata koji su od važnosti za građane i općinu Bosanska Krupa.

Osim navedenog u 2015. godini aktivnosti će biti usmjerene na:

- nastavak uređenja zelenih površina i opremanja mjesta za rekreaciju,
- nastavak uređenja i održavanja parkova,
- nastavak čišćenja i humusiranja obala naših rijeka, Une i Krušnice,
- zaštita površinskih i podzemnih voda,
- poticati korištenje obnovljivih izvora energije, veće energetske učinkovitosti,
- zaštita prirodnih vrijednosti,
- poticati ekološku poljoprivredu,
- poticati eko-turizam,
- nastavak ILDP II projekta,
- nastavak projekta Omladinska banka,
- nastavak projekat Atrium,
- realizacija projekta Etičke linije,
- realizacija Gold Projekta - projekt za unapređenje lokalnog razvoja. Projektom ćemo promovisati integrisani i sveobuhvatan pristup planiranju i implementaciji lokalnog ekonomskog razvoja (LER) u sektorima sa najvećim potencijalom za brz i održiv rast radnih mjesta; efikasnije korištenje ekonomskih resursa općine i promovisati nove investicije u ciljanim sektorima kroz javno-privatna partnerstva; angažovati interesne strane kako bi se poboljšalo pružanje javnih usluga i poslovno okruženje; promovisati nove direktne investicije i podržati konkurentne lance snabdijevanja koji će dovesti do stvaranja novih radnih

mjesta. S ciljem stvaranja radnih mjesta za mlade osobe, Projekat će podržavati poduzetništvo i radit će sa privatnim i javnim sektorom na implementaciji programa za strukovno usavršavanje koji će mladim ljudima omogućiti sticanje vještina koje su potrebne za lokalnu ekonomiju;

- realizacija projekta "Certifikacija gradova i općina s povoljnim poslovnim okruženjem-BFC" BFC je jedinstveni program poboljšanja kvalitete usluga i informacija koje gradovi i općine pružaju investitorima. Program certifikacije pruža gradovima i općinama jasne smjernice o načinu stvaranja dobre poslovne klime i uvođenja međunarodno priznatih standarda efikasne i transparentne lokalne administracije. Investitorima koji žele preseliti ili proširiti svoje poslovanje, BFC služi kao standardizirani mehanizam za procjenu lokalnih uvjeta poslovanja i identificiranje gradova i općina u regiji s najpovoljnijom klimom za investiranje.

Ovim programom želim izraziti apsolutno opredjeljenje izvršne vlasti za ubrzanim razvojem općine Bosanska Krupa, te nastavku svih projekata od interesa za lokalnu zajednicu i u svakom pogledu nastavak do sada uspješno realizovanih stavki predviđenih budžetom Općine.

## **VI Ostale aktivnosti**

U skladu sa Odlukom o utvrđivanju značajnih datuma za općinu Bosanska Krupa:

- organizovati prigodno obilježavanje državnih praznika i drugih datuma koji su od značaja za Bosnu i Hercegovinu, Federaciju Bosne i Hercegovine, Unsko-sanski kanton i općinu Bosanska Krupa,
- u skladu s finansijskim mogućnostima pomagati manifestacije koje se organizuju na prostoru naše općine u svim mjesnim zajednicama,
- organizovati i druge javne i kulturne manifestacije.

Nastaviti saradnju sa općinama u okruženju, te putem kolegija Općinskih načelnika i Saveza općina i gradova Federacije Bosne i Hercegovine, djelovati na poboljšanju uslova u lokalnim zajednicama. Kroz Evropski pokret za ravnopravnost i dalje promovisati našu općinu u zemlji i inostranstvu.

## **VII Zaključak**

Uz navedeno, kao neophodnost u radu Općinskog načelnika, ovim programom se utvrđuje:

1. preduzimanje svih mogućih aktivnosti u cilju ostvarivanja maksimalno korektne saradnje sa Općinskim vijećem, političkim partijama i u tom smislu transparentan rad i puna saradnja su osnov za potpunu implementaciju predviđenih zadataka;
2. aktivno učešće u radu Saveza gradova i općina Federacije Bosne i Hercegovine, te nastavak saradnje sa drugim općinama kako u zemlji tako i u inostranstvu, te traženje veza parnterstva i bratimljenja;

I pored naprijed navedenog, osnovni ciljevi ovog Programa u godini koja je pred nama su postavljeni realno, pa su realna očekivanja da će se i realizovati uz angažovanje svih resursa, unutrašnjih i vanjskih. Prije svega, nastaviti će se raditi na poslovima i projektima koji su započeti u prethodnoj godini i otpočeti projekte planirane budžetom. U cilju realizacije projekta kojima ćemo unaprijediti kvalitet života građana aplicirat ćemo za projekte sa međunarodnim institucijama, kao i višim nivoima vlasti.

I dalje će se djelovati na stvaranju što povoljnijeg ambijenta za ulaganja u investicione programe, i to kroz obezbjeđivanje bitnih pretpostavki za programe. U cilju privlačenja investitora u planu nam je izrada registra zemljišta poslovnih zona u kojem će biti prezentirane lokacije za građenje sa svim potrebnim pokazateljima, čime će se stvoriti pretpostavke za poboljšanje komunikacije sa budućim investitorima, što bi u konačnici dovelo do povećanja broja novootvorenih radnih mjesta.

Broj: \_\_\_\_\_/14  
Bosanska Krupa, \_\_\_\_\_.2014.godine

**OPĆINSKI NAČELNIK**  
Armin Halitović